

**Thursday, August 7, 2025**

**Time - 2:30pm - 2:35pm**

**AKASHVANI AIZAWL**

**REGIONAL NEWS UNIT**

**ASSEMBLY**

Mizoram Legislative Assembly pakua na thutkhawm vawi 5-na August ni 27 a neih tur chuan ni hnih (2) chhung a awb dawn a, ni khat ni ah Dampa bialtu MLA Pu Lalrintluanga sun a ni ang.

Assembly hotute hnen atanga Akashvani thudawn danin tun dinhmunah Assembly thutkhawma sawiho tur sawrkar bill emaw private bill lut ala awm lo a, starred question 13 lutin zawhna ziaka chhan chi 7 a lut tawh a ni.

Assembly thutkhawm hi August ni 27 zing dar 10:30 ah tan a ni dawn a, Business Advisory Committee in a rel angin Session neih hun chhung hi a rei dawnloh avangin thurel tam tham tak a a awmlo tura ngaih a ni.



**NATIONAL HANDLOOM DAY**

National Handloom Day vawi 11-na pualin vawiin khan Millenium Centre Rooftop-ah hun hman a ni a, naktip, August ni 9 thleng khian puantahtute kutchhuak phochhuahna Handloom expo neih nghal a ni dawn.

Akashvani Aizawl zawhna chhangin Commerce and Industries Department, HTH Deputy Director, Pi Hunthianghlimi chuan Weavers' Service Centre, Ministry of Textiles te nen tangrualin Commerce & Industries Dept chuan National Handloom Day vawi 11-na chu Millenium Centre Rooftop-ah buatsaih a ni tih sawiin he hunah hian hmun hrang hranga puantah lama eizawng mi 100 chuang an kalkhawm a, Ministry of Textiles-in pawisa a pek hmangin National Handloom Day pual hian vawiin atanga naktip, August ni 9 thleng khian puantahtute kutchhuak phochhuahna Handloom expo neih nghal a ni dawn a, stall 30 hawn a ni.

Pi Hunthianghlimi chuan puantah chu eizawna tlak a ni a ti a, handloom-a eizawng turin sorkar laipuiin tanpuina tam tak a siamechhuak a, thalaite mahni kutke a ding turin handloom-ah eizawna a awm a ti a, pawl 12 pass chin tan Diploma in handloom textiles & technology kum 3 leh a chanve zir tur a awm a, heta zirchhuakte tan hian central scheme direct in a hmuh theih a, sorkar laipui chuan thalaite tan vocal for local tiamin platform tam tak a buatsaih a, kuminah he diploma zir tur Mizo thalai an hmu zolo chu Department-a thawkte tha a na hle a ti a, Mizo thalaite chu handloom field a lut turin a sawm a, puantahtute tu leh fate tan scholarship leh insurance hrang hrang a awm a ti a, sorkar laipui chuan handloom chu eizawna tlak a ni tih a hriat avangin hemi pual hian sum tam tak a dah tih a sawi a ni.



Pi Hunthianghlimi chuan National Handloom Day hmanna pui ber- Bharat Mandapam, New Delhi-a President Droupadi Murmu hova hmannaah Commerce & Industries Department chuan Mizoram atangin puantahtu mi 5 a tir a, he hun lawmna pakhat central sawrkarin a buatsaih 'Exclusive Handloom Expo" Handloom Haat Janpath, New Delhi a neihah Mizoram aiawhin, Lapar leh Fungsi te an tir bawk a, an stalls a lunin an inhralh tha hle tih thu an dawng tih a sawi a ni.

Weavers' Service Centre (WSC) Aizawl HoO Asstt. Director Utpal Ch. Baro chuan National Handloom Day chu kum 1905-a Swadeshi Movement hriatreng nan kumtin August ni 7-ah hman thin a ni a ti a, he ni hi India puantah lama hausakna chawisanna leh puantahtute thlawpna atana hman thin a ni a ti a, puan tah lama thawk tha te hnenah Sant Kabir Award leh National Award-ah an hlan thei chu lawmawm a tih thu a sawi a ni.

***Byte: Utpal Ch. Baro***

National Handloom Day hi Mizoram hmun dangah te pawh hman a ni a, Sailam cluster-ah Bialtu MLA Pi Baryl Vanneihsang chu Khuallian a ni a, Tuirial cluster-ah Higher & Technical Education Minister Pu Vanlalhlana chu khuallian a ni a, heng programme ah te hian central scheme hrang hrang inzirtirna hun hman a ni a, puantah thiam upate chawimawina neih a ni bawk a ni.



## **PINEAPPLE BONANZA**

Agriculture Minister Pu PC Vanlalruata'n nimin khan Pineapple Bonanza tum 4-na Millenium Centre kawtah hawngin Organic hlutna nasa taka inhrilhriat a la tul thu a sawi.

Mizoram chhunga organic hmanga lakhuihthei tharchhuah man tlawm zawka leitheiha tura Provider - Mission Organic Value Chain Development for North Eastern Region (MOVCD-NER)-in a huaihawt 'Pineapple Bonanza' tum li-na hawna hunah hian Agriculture Minister chuan khawvelin organic pineapple Mizoramin a thar ve a ni tih hriat nana an service provider tha tak 'Clover'-ten hetiang hun an buatsaih thin chu lawmawma a tih thu a sawi a, hlo tur chi reng reng chu hmang tlem tial tial turin Zoram Kuthnathawktute a chah bawk.

Pineapple Bonanza tul li-na hi August ni 6-9 thleng aw h tur a buatsaih a ni a, Khawzawl leh Serchhip district hnuai Organic FPC ni tura hma la lai mek - Raifan Organic FPC & Tuikum Organic FPC te thar chhuah a ni. Lakhuihthei ching tute hi MOVCD- NER scheme Phase IV hnuai loneitu inziaklutte ta a ni a, heng loneitute hi Khawzawl leh Serchhip District a Raifan leh Tuikum Organic FPC te hnuai intel khawm niin, Mission Organic Mizoram (MOM) -State Leading Agency leh Clover Organic Pvt. Ltd – Service Provider te enkawl lai mek an ni.



## **LAWNGTLAI ROAD**

Kar hmasa Inrinni, August 2 a Lawngtlai leh Lunglei inkar, Lunglei District chhung, Bualte daia National Highway-02 leiminin a hnawh chu thenfai hna thawh reng nimahse, a minbelh zel vangin kawng a la ping chhonzawm a, Lawngtlai District ta tur Tuialhthei phur kawngping hian a dang nual.

Tuialthei hi Lawngtlai District ah phurh loh theih nilo mahse, harsatna lian lutuk a la thlenglo tih DCSO, Lawngtlai Pu Lianchhuma Chinzah chuan a sawi a, DCSO lamin an chhinchiah danin, MIZOFED Filling Station ah Diesel Litres 1100, Petrol Litres 2400 a awm a, loh theih lohva mamawh zual tak takte hnen ah DCSO atangin Permit pekchhuah an ni.



## **VICE PRESIDENT ELECTION**

Election commission chuan vawiin khan Vice President thlanna lo awm tur atan a chuh tum te tan hriattur a tichhuak. Hemi atan hian August ni 21 thleng a theih loh theih dawn a september ni 9 ah inthlan tur a ni dawn a ni.

Thla hmasa khan Vice President Jagdeep Dhankhar'n banna a theihluh avangin Vice President that thlanna hi neih alo tul ta a, hei hi vice president thlnana vawi 17na tur a ni.

Thuchhuah a tarlan danin chuh tumte chuan tun thla ni 21 hmanin nomination a theihluh theih a, scrutiny August ni 22 ah neih a ni anga, candidate inhnuhdawh theih tawp ber atan tun thla ni 25 ani ang. Vote hi september ni 9 ah chhiar a ni dawn a ani

